

**«РЎЙХАТГА ОЛИНГАН»**

Ўзбекистон Республикаси  
Марказий банки Раисининг

биринчи ўринбосари

У.М. Мустафоев



2015 йил «24» май

DS-43-0212 -сон

**«ТАСДИҚЛАНГАН»**

«Туронбанк» акциядорлик  
тижорат банки томонидан  
Кенгаши раиси ўринбосари

О.Олимжонов



2015 йил «13» апрел

К-43 -сон

**«ТУРОНБАНК» АКЦИЯДОРЛИК ТИЖОРАТ БАНКИНИНГ  
ЮРИДИК ШАХСЛАР УЧУН ДЕПОЗИТ СЕРТИФИКАТЛАРИНИ  
ЧИҚАРИШ, СЎНДИРИШ ВА МУОМАЛАДА БЎЛИШ ШАРТЛАРИ  
7-ЧИҚАРИЛИШ**

Мазкур Шартлар Ўзбекистон Республикасининг «Банklar ва банк фаолияти тўғрисида»ги ва «Қимматли қоғозлар бозори тўғрисида»ги қонунларига ҳамда Ўзбекистон Республикаси Адлия вазирлиги томонидан 2008 йил 24 сентябрда 1859-сон билан рўйхатга олинган «Банklarнинг депозит (омонат) сертификатларини чиқариш ва муомалада бўлиш тартиби тўғрисида»ги Низом асосида ишлаб чиқилган бўлиб, «Туронбанк» акциядорлик тижорат банкининг депозит сертификатларини чиқариш, сўндириш ва муомалада бўлишини тартибга солади.

**I. УМУМИЙ ҚОИДАЛАР**

1.1. «Туронбанк» акциядорлик тижорат банкининг (кейинги матнда «банк») депозит сертификати (кейинги матнда «сертификат») - банкка қўйилган депозит суммасини ва омонатчининг (сертификат сакловчининг) депозит суммасини ҳамда сертификатда белгиланган фоизларни банк ёки унинг исталган филиалидан белгиланган муддат тугаганидан сўнг олиш ҳуқуқини тасдиқловчи ноэмиссиявий эгасининг номи ёзилган қимматли қоғоз ҳисобланади.

1.2. Сертификатлар бланкалар тарзида ҳужжатли шаклда чиқарилади.

1.3. Сертификатни товарлар олди-сотдиси ёки кўрсатилган хизматлар (ишлар) учун ҳисоб-китоб қилишда тўлов воситаси сифатида қўллаш мумкин эмас.

1.4. Депозит сертификатларининг олди-сотдиси ва улар бўйича суммаларни тўлашга доир пуллик ҳисоб-китоблар нақдсиз шаклда амалга оширилади.

1.5. Сертификатларнинг қиймати Ўзбекистон Республикасининг миллий валютасида ифодаланади.

1.6. Сертификатлар 182 кундан 1095 кунгача бўлган муддатга чиқарилади.

## **II. СЕРТИФИКАТ БЛАНКАЛАРИНИ РАСМИЙЛАШТИРИШ ТАРТИБИ**

2.1. Сертификат бланкаларида қуйидаги мазмундаги мажбурий реквизитлар бўлиши лозим:

а) «депозит сертификати» номи;

б) сертификат рақами ва серияси;

в) депозит қўйилган сана;

г) сертификат бўйича суммани талаб қилиб олиш санаси;

д) сертификат билан расмийлаштирилган депозит миқдори (рақамлар ва сўзлар билан);

е) банкнинг депозитга қўйилган суммани қайтариш ва тегишли фоизларни тўлаш юзасидан мажбурияти;

ж) депозитдан фойдаланиш учун фоиз ставкаси;

з) тўланиши лозим бўлган фоиз суммаси (рақамлар ва сўзлар билан);

и) банкнинг номи, жойлашган манзили;

к) депозит сертификатида омонатчи - юридик шахснинг номи ва жойлашган манзили;

л) банк томонидан сертификатни имзолаш ҳуқуқи берилган икки нафар мансабдор шахснинг банк муҳри билан тасдиқланган имзолари.

Сертификат бланкининг матнида юқорида кўрсатилган мажбурий реквизитлардан бири кўрсатилмаган тақдирда сертификат ҳақиқий эмас, деб ҳисобланади.

2.2. Сертификатда талаб қилиб олиш ҳуқуқидан бошқа шахснинг фойдасига воз кечиш (цессия) сертификат бланкасининг орқа томонида расмийлаштирилади. Агар цессияни расмийлаштириш учун қўшимча варақлар талаб этилса, унда сертификатнинг иловалари ҳам бўлиши мумкин. Ушбу иловалар сертификат сақловчисининг талаби билан сертификатни муомалага чиқарувчи банк томонидан расмийлаштирилади.

Сертификатнинг иловалари рақамланган, сертификат бланкасига тикилган ва сертификатни имзолаш ҳуқуқи берилган икки нафар мансабдор шахс томонидан имзоланиши ҳамда банк (банк филиали) муҳри билан тасдиқланади.

2.3. Сертификат бланкасида сертификатни чиқариш ва унинг муомалада бўлиш шартлари, шу жумладан талаб қилиб олиш ҳуқуқидан бошқа шахс фойдасига воз кечиш

хамда сертификат йўқотилганда сертификат бўйича ҳуқуқларни қайта тиклаш тартиби акс эттирилади.

2.4. Сертификат бланкаси банк томонидан қўлда шарикли ручкада, ёзув машинкасида ёки компьютернинг ёзув мосламасида (принтерда) тўлдирилади.

2.5. Сертификат билан расмийлаштирилган депозит миқдори рақамлар ва сўзлар билан ёзилади.

Сертификатнинг рақамда ёзилган қийматидан олдин ва кейинги бўш жойлар, шунингдек сўзда ёзилган қийматидан кейин қолган бўш жойлар икки параллел чизик тортиш йўли билан тўлдириб қўйилиши керак. Сўзлар билан ёзилган ҳамда рақамлар билан белгиланган суммалар ўртасида фарқ бўлган тақдирда сўзлар билан ёзилган сумма ҳақиқий ҳисобланади.

2.6. Сертификатни беришда банк сертификат қорешогидаги барча реквизитларни тўлдиради. Сертификат қорешоги сертификат эгаси ёки унинг қонун ҳужжатларига биноан расмийлаштирилган ишончномага эга бўлган ваколатли шахси томонидан имзоланади, сертификатдан ажратилади ва банкда сақланади.

2.7. Омонатчининг (сертификат сакловчининг) вакили депозит сертификатини олиш учун ишончномага эга бўлиши лозим, ишончнома сертификат қорешоги билан бирга сақланади.

2.8. Банк томонидан сертификатни тўлдиришда тузатиш ва ўчиришларга йўл қўйилмайди.

2.9. Сертификат бланкасини омонатчига беришда тўғри расмийлаштириш ва тўлдириш учун жавобгарлик банк зиммасига юклатилади.

2.10. Депозит сертификати бланкалари, шунингдек сертификатларга қўшимча варақлар (иловалар) «Давлат белгиси» ДИЧБ Тошкент босма фабрикаси томонидан тайёрланади. Сертификатга қўшимча варақлар (иловалар) сертификат бланкаси билан бир вақтда тайёрланади.

2.11. Сертификат бланкалари "Қимматли қоғозлар бланкаларига қўйиладиган техник талаблар тўғрисида"ги Низом талабларига мувофиқ тайёрланади.

### **III. СЕРТИФИКАТЛАРНИНГ МУОМАЛАДА БЎЛИШ ТАРТИБИ**

3.1. Сертификатдан бошқа шахс фойдасига воз кечиш мумкин.

3.2. Депозит сертификати бўйича талаб қилиб олиш ҳуқуқи фақат юридик шахсга ўтказилиши мумкин.

3.3. Сертификат бўйича талаб қилиб олиш ҳуқуқидан бошқа шахс фойдасига воз кечиш бундай сертификатнинг орқа томонида ёки қўшимча варақларда (иловалар) ўз ҳуқуқини бераётган (цедент) ва ушбу ҳуқуқни сотиб олаётган шахснинг (цессионарий) икки томонлама битими билан расмийлаштирилади.

Депозит сертификати бўйича талаб қилиб олиш ҳуқуқидан воз кечиш ҳақидаги битим ҳар бир томондан шу каби битимларни амалга ошириш учун юридик шахс

томонидан ваколат берилган икки нафар шахс томонидан имзоланади ва юридик шахсларнинг мухрлари билан тасдиқланади.

Воз кечиш тўғрисидаги ҳар бир шартнома цедент томонидан рақамланади.

Цессияни расмийлаштириш узлуксиз бўлиши шарт.

3.4. Сертификатлар олди-сотди, ҳадя қилиш, мерос қилиб олиш, устав фондига киритиш ва эгаси алмашувида олиб келадиган бошқа битимларда, шунингдек гаровда битим объекти бўлиши мумкин.

Сертификат эгаси бевосита банкдан ёки бошқа банклардан кредит ажратилишида сертификатлардан гаров таъминоти сифатида фойдаланишга ҳақли.

3.5. Сертификатлар қўйидаги миқдор ва ҳажмларда чиқарилади:

Қиймати	Сони	Ҳажми
50.000.000 (Эллик миллион) сўм	20 (Йигирма) дона	1 000.000.000 (Бир миллиард) сўм
100.000.000 (Бир юз миллион) сўм	20 (Йигирма) дона	2.000.000.000 (Икки миллиард) сўм
500.000.000 (Беш юз миллион) сўм	10 (Ўн) дона	5.000.000.000 (Беш миллиард) сўм
1.000.000.000 (Бир миллиард) сўм	2 (Икки) дона	2.000.000.000 (Икки миллиард) сўм
<b>Жами:</b>	<b>52 (Эллик икки) дона</b>	<b>10.000.000.000 (Ўн миллиард) сўм</b>

3.6. Сертификат бўйича талаб қилиб олиш ҳуқуқидан бошқа шахс фойдасига воз кечиш сертификат муомалада бўлган даврдагина амалга оширилиши мумкин.

Цессия амалга оширилгандан кейин, сертификатни сотиб олган шахс "Цессионарий" (банк томонидан сертификат бўйича тўланадиган фоизларни тўлаш учун ўз ҳисоб варағини кўрсатган ҳолда) банкка 3 (уч) банк иш куни давомида хабардор қилиши шарт.

3.7. Депозит сертификати цессиясини расмийлаштиришда йўл қўйилган хатолар тузатилганда у тузатиш киритилган сана кўрсатилган ҳолда "тузатилди" ёзуви билан тасдиқланиши ҳамда цедент ва цессионарий томонидан имзоланиши ва муҳрланиши шарт.

3.8. Талаб қилиб олиш ҳуқуқидан бошқа шахс фойдасига воз кечилганида (цессияда) сертификат корешоғига ўзгартиришлар киритилмайди.

3.9. Сертификатнинг муомала муддати тугаганда сертификат эгаси (сақловчиси)нинг аризасига мувофиқ унинг асосий талаб қилиб олинганча депозит ҳисобварағига сертификат суммаси ва унга тегишли фоизлар тўлаб берилади.

3.10. Сертификат сақловчилари томонидан банкка тўлаб бериш учун тақдим этилган сертификатларда уларни талаб қилиш ҳуқуқи бошқа шахс фойдасига воз кечилганлиги ҳақида ёзувлар мавжуд бўлса, бунда банк сертификатнинг бошқа шахс

фойдасига воз кечишга доир шартномаларнинг (цессияларнинг) узлуксизлигини, шунингдек сертификат сакловчисининг охирги шартнома (цессия)даги номи, мухри (юридик шахслар учун) ва ваколатли шахслари имзоларининг сертификатни тўлаб беришни сўраб ёзилган аризадаги номи, мухри (юридик шахслар учун) ва имзоларига мослигини текшириб кўради.

Аризадаги ваколатли шахслар имзолари сертификатдаги охирги цессияни имзолаган шахслар имзоларига мос келмаган тақдирда, сертификат сакловчиси конунчиликда ўрнатилган тартибда тасдиқланган ишончнома тақдим этиши талаб этилади. Бунда ушбу ишончнома банк томонидан тўлаб берилган сертификатга қўшиб тикиб қўйилади.

Сертификатларга доир шартномаларга ўзгартириш ва (ёки) қўшимчалар киритиш конун ҳужжатларида белгиланган тартибда амалга оширилади.

#### IV. СЕРТИФИКАТЛАР БЎЙИЧА ФОИЗЛАРНИ ҲИСОБЛАШ

4.1. Сертификатлар қуйидаги муддатларга ва фоизларда чиқарилади.

Муомала муддати	Йиллик фоиз ставкаси
182 кун	7 (етти) фоиз
365 кун	8 (саккиз) фоиз
547 кун	9 (тўққиз) фоиз
730 кун	10 (ўн) фоиз
912 кун	11 (ўн бир) фоиз
1095 кун	12 (ўн икки) фоиз

4.2. Сертификат бўйича фоизларни ҳисоблаш «Тижорат банкларида фоизларни ҳисоблаш тўғрисида»ги Низомга мувофиқ амалга оширилади.

4.3. Сертификатлар бўйича фоизлар ҳар ойнинг 2 санасидан бошлаб 3 (уч) банк иш куни ичида тузилган омонатчи-юридик шахслар рўйхати бўйича омонатчиларнинг тегишли ҳисобварағига ўтказиб бериш орқали амалга оширилади.

4.4. Сертификат бўйича олинаётган даромадни соликка тортиш амалдаги конунчилик ҳужжатлари асосида амалга оширилади.

4.5. Банк сертификатни бериш вақтида шартлашилган ва сертификатда белгиланган фоиз ставкасини бир томонлама ўзгартиришга (камайтириши ёки кўпайтириши) ҳақли эмас.

4.6. Сертификатни бериш вақтида белгиланган ва муомала муддати тугаганидан сўнг (сертификат эгаси сертификат бўйича депозитини талаб қилиб олиш ҳуқуқини қўлга киритганда) сертификат эгасига тўланиши лозим бўлган фоизлар мазкур сертификат сотиб олинган вақтдан қатъи назар, 5 (Беш) банк иш куни ичида банк томонидан тўланади.

4.7. Банк чиқарилиш шартларида сертификатларни муддатидан олдин тўловга тақдим этиш имкониятини назарда тутиши мумкин.

4.8. Сертификат сақловчиси сертификатни муддати тугагунга қадар ёхуд сертификатда кўрсатилган бошқа ҳолатлар юз бергунга қадар қайтариб беришни талаб қилиш нияти бўлса, у ўзининг бу ниятидан банкни омонатни олишни мўлжаллаётган санадан камида бир ой олдин хабардор қилиши шарт. Бунда сертификат бўйича фоиз тўлови сертификат ҳақиқатда муомалада бўлган муддат учун йиллик қуйидаги шартларда қайта ҳисобланади:

№	Муомала муддати	Даромад миқдори (йиллик)	
		Белгиланган муддатда	Белгиланган сўндириш муддатидан аввал тақдим этилганда
1	182 кун	7 (етти) %	181 кун ичида 4,0 %.
2	365 кун	8 (саккиз) %	181 кун ичида 4,0 %; 182 – 364 кун оралиғида 7,0 %.
3	547 кун	9 (тўққиз) %	181 кун ичида 4,0 %; 182 – 365 кун оралиғида 7,0 %; 366 – 546 кун оралиғида 8,0 %.
4	730 кун	10 (ўн) %	181 кун ичида 4,0 %; 182 – 365 кун оралиғида 7,0 %; 366 – 546 кун оралиғида 8,0 %; 547 – 729 кун оралиғида 9,0 %.
5	912 кун	11 (ўн бир) %	181 кун ичида 4,0 %; 182 – 365 кун оралиғида 7,0 %; 366 – 546 кун оралиғида 8,0 %; 547 – 729 кун оралиғида 9,0 %; 730 – 911 кун оралиғида 10,0 %.
6	1095 кун	12 (ўн икки) %	181 кун ичида 4,0 %; 182 – 365 кун оралиғида 7,0 %; 366 – 546 кун оралиғида 8,0 %; 547 – 729 кун оралиғида 9,0 %; 730 – 911 кун оралиғида 10,0 %; 912 – 1094 кун оралиғида 11,0 %.

Сертификат бўйича аввал амалга оширилган фоиз тўловлари ва қайта ҳисоблаш натижасида тўланиши лозим бўлган фоизлар миқдори ўртасидаги фарқ депозит суммаси ҳисобидан ушлаб қолинади.

4.9. Сертификатлар банк ташаббуси билан қонун ҳужжатларида белгиланган ҳолатларда муддатидан олдин тўловга қабул қилинганида, банк томонидан депозит суммасига сертификатнинг амалда бўлган муддати учун фоизлар тўланади. Бунда, банк сертификатларнинг муддатидан олдин тўловга тақдим этилиши ва уларни тўловга тақдим этиш шартлари тўғрисида камида бир ой олдин оммавий ахборот воситалари орқали эълон бериши лозим.

4.10. Агар сертификат бўйича депозитни олиш муддати сертификат сақловчиси томонидан ўтказиб юборилган бўлса, у ҳолда банк сертификатда белгиланган депозит суммаси ва ҳисобланган фоизларни сертификат эгасининг талабига кўра тўлашга

мажбурдир. Сертификат суммасини талаб қилиш кунидан ҳақиқатда сертификатни тўлов учун тақдим этиш кунигача бўлган муддат учун фоизлар, талаб қилиб олингунча омонатлар бўйича фоизлар ҳисобланмайди ва тўланмайди.

4.11. Депозит сертификатни сўндириш муддати банкнинг айби билан кечиктирилган бўлса, у ҳолда сертификат бўйича сертификатнинг сўндириш муддати кечиктирилган кунлар учун ҳам сертификатда белгиланган миқдорда фоиз ҳисобланади ва тўланади.

4.12. Шу билан бирга, унга қўшимча равишда ўтиб кетган кунлар учун ҳар бир кунга сертификат бўйича тўланмаган сумманинг 0,05 фоизи миқдорида пеня тўланади.

## **V. ЯКУНЛОВЧИ ҚОИДАЛАР**

5.1. Депозит сертификатларининг корешокларини, сертификат бланкаларини ва сертификатларнинг қўшимча варақларини (иловаларини) сақлаш, шунингдек сертификат бланкаларининг бухгалтерия ҳисобини юритиш ҳамда сертификатлар билан боғлиқ амалиётлар белгилаган тартибда амалга оширилади.

5.2. Йўқотилган сертификатлар бўйича ҳуқуқлар банк томонидан қайта тикланади.

5.3. Сертификат йўқотилганда сертификат сақловчиси унинг дубликатини беришни сўраб банкка ёзма равишда ариза билан мурожаат этишга ҳақлидир.

5.3.1. Сертификат йўқолганлиги аниқланганда сертификат сақловчиси бу ҳақда 3 (уч) банк иш куни ичида ариза тақдим қилиш орқали банкни хабардор қилиши шарт. Ариза банкка тақдим этилган санадан бошлаб, 3 (уч) иш куни ичида кўриб чиқилади. Ариза банкнинг махсус журналида қайд этилади, ушбу журнал рақамланган, тикилган ва банк муҳри билан тасдиқланган бўлиши лозим.

5.4. Ариза сертификатнинг корешоги билан бирга сақланади. Аризада сертификат расмийлаштирилган сана, сертификат рақами, сертификат банкнинг қайси бўлими орқали берилганлиги, кимнинг номига расмийлаштирилганлиги (юримдик шахснинг номи кўрсатилади) ва қанча миқдордалиги кўрсатилади.

Ариза ва бошқа зарур ҳужжатлар банк Бошқаруви ташкил этган махсус комиссия томонидан 5 (беш) иш кунида кўриб чиқилгандан сўнг ва ариза бўйича ижобий қарор қабул қилинганидан кейин банк 2 (икки) иш куни давомида йўқолган сертификат бўйича тўловларни амалга оширади ёки аризаچига сертификат дубликатини беради.

5.5 Сертификатга оид ахборотлар Ўзбекистон Республикаси "Қимматли қоғозлар бозори тўғрисида"ги Қонуни ва Вазирлар Маҳкамасининг 2014 йил 2 июлдаги 176-сонли қарори билан тасдиқланган Акциядорлик жамиятларининг корпоратив веб-сайтларига қўйиладиган талаблар тўғрисидаги низом талабларига мувофиқ ошкор қилинади.

**Депозит сертификати корешоги**

Номаи TBDS-YU-007  
 КДМН

Момаси **50 000 000**  
 (рақам билан)  
**Эзлик миллион сўм**  
 (сўзлар билан)

20\_\_ й. " \_\_ " \_\_  
 (Берилган санаси)

(сертификат кимга берилгани:

юридик шахснинг  
 номи ва жойлашган манзили)

Сертификатни олдим

20\_\_ й. " \_\_ " \_\_

(омонатчининг ёки унинг  
 ваколатли  
 шахсининг имзоси)

**ДЕПОЗИТ СЕРТИФИКАТИ**

серияси TBDS-YU-007

рақами \_\_\_\_\_

депозит қўйилган сана 20\_\_ й. " \_\_ " \_\_  
 сертификат бўйича депозитни талаб қилиб олиш санаси:  
 20\_\_ й. " \_\_ " \_\_

Депозит миқдори: **50 000 000** (Эзлик миллион сўм)  
 (сумма рақамлар ва сўзлар билан)

фоиз ставкаси: \_\_\_\_\_  
 (рақамлар ва сўзлар билан ёзилади)

**«Туронбанк» акциядорлик тижорат банки  
 (Тошкент шаҳар, Абай кўчаси 4а уй)**

\_\_\_\_\_ (юридик шахснинг номи ва жойлашган манзили)

\_\_\_\_\_ (сумма рақамлар ва сўзлар билан ёзилади)

миқдордаги депозитни жойлаштиргани тўғрисида гувоҳлик беради, шунингдек омонатчига ёки унинг ҳуқуқий ворисига\* кўрсатилган суммани йилига \_\_\_\_\_ фоиз ҳисобидан \_\_\_\_\_ сўм

\_\_\_\_\_ (сумма рақамлар ва сўзлар билан ёзилади)

сўм миқдордаги фоизларини қўшиб, жами \_\_\_\_\_

\_\_\_\_\_ (сумма рақамлар ва сўзлар билан ёзилади)

қайтариш мажбуриятини олади.

Имзолар: \_\_\_\_\_  
 (банкнинг мансабдор шахси)

М.Ў.

\_\_\_\_\_ (банк бухгалтери)







